

AGENDRE FEMASO YESU

MINGGU 03 Mei 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, No oi owulo ita oi faondra ba wa'owuawua dödö, me no maoso Zo'aya ya'ita Yesu Keriso moroi ba ngai zi mate. Andrö, ba döi Yesu ma'owai Ami : Ya'ahowu, no maoso Keriso.
- SATO** : Ya'ahowu !
SA : Keriso So'aya, no maoso Keriso
SATO : Duhu, no maoso Keriso.
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba Wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 1**

1. HALELUYA KHÖ YEHOWA

do = f 4/4

MM = 96 - 104

1. Halleluya khö Yehowa, wa ' omuso dödögu.
Suno Ia si lö aetu, khö-Nia wanunögu.
Sagötö fa ' aurigu, lö ubato wanuno.
2. Ya' ahowu dozi niha, samati khö Yehowa.
Sanötöna fangorifi, ba döi Yesu So' aya.
Saro tödö ba da' ö, fa' auri dötönafö.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amonio. Fangorifida ha ba döi Yehowa si no momböi banua si yawa awö danö.....

SATO : YADUHU

SA : Ba na lö mususugi Keriso, ba si lö boto wamatimi andrö, ba lö si tebulö ami ba horömi; Ba iada'e, ba no mususugi Keriso, moroi ba ngai zi mate. HALELUYA.....

SA : **Manunö** : BZ. : 452

HALELUYA....HALEYA.... HALELU...YA.....

SA : Mangandrö ita :
He Yesu Keriso So'aya ya'aga, Sangorifi ösi gulidanö andre. Ma'andrö saohagölö khö-U me no Ölawä wa'abölö horö ba fa'amate ba wemaoso-Mö andrö. Iada'e lö sa'ae ata'u ndra'aga ba lumö wa'abölö wa'amate andrö, me no maoso Ndra'ugö ba wangorifi ya'aga. No alömö wa'amate andrö ba wemöna, No Ö'efa'ö ndra'aga ba wa'abölö zogömigömi ba no Ö'ohe ndra'aga ba haga. No Ö'efa'ö ndra'aga moroi ba wesu horö, irege tobali ndra'aga ono khö Lowalangi Ama. He Yesu Keriso no Ö'faogö ndra'aga ba wa'amate-Mö ba tesusugi göi ndra'aga ba we maoso-Mö andrö, ma'andrö khö-U böi bulö'ö khöma howuhowu-Mö, me Ya'ugö zamatörö banua si yawa awö danö i'otarai da'e irugi ba zi lö aetu. Yaduhu. **(Mudadao zato)**

3. MANUNÖ moroi ba Mbuku Zinunö Numero 303

303. FEFU ZI MÖI FÖNA YESU

Lala : Ohahau Sibai Dödögu (No. 302)

do = f 3/4

MM = 96 - 104

1. Fefu zi möi föna Yesu, oi latema wangatulö.
Ba dozi sangesa tödö, I ' efa ' ö ba horö.
2. Na so wa' abu dödögu, möido, u' ondrasi Yesu.
Ba hadia zambö khögu Ifolala dödögu.

4. FOMBASO TAROMA LI LOWALANGI FAMÖRÖGÖ (AF)

: Da tafondrongrongo daroma Li Lowalangi, tehalö moroi ba zura **II Moze 20:1-17**

1. Ba iwa'ö daroma li andrö fefu Yehowa, imane:
2. Ya'odo Yehowa Lowalangi, si no mangeheta ya'ugö ba danö Miserayi andrö, ba zi no möi sawuyu ami.
3. Böi so khömö Lowalangi tánö bö'ö, baero ndra'o.
4. Böi fazökhi khöu nadu, ba he famaedo hadia ia, he si so si yawa ba mbanua, ba he si so si tou ba guli danö, ba he si so ba nidanö, barö danö.
5. Böi angalulu khönia ba böi fosumange ia, me no Lowalangi solohu ndra'o, ya'odo andre, Yehowa, Lowalangi, sanguhuku horö ndra ama ba ndraono ba ba ma'uwu mitou, khöra si fatiu tödö khögu,
6. ba si hakhösi tödö sangomasi'ö ya'o ba solo'ö oroisagu; irugi hönö nga'ötö.
7. Böi tötoi döi Lowalangi Yehowa ba waya; lö'ö sa zi lö ihuku Yehowa zanötöi töinia ba waya.
8. Ame'egö tödö luu wolombase andrö, ba we'amoni'ö ya'ia.
9. Önö ngaluo mohalöwö ndra'ugö ba öhalö halöwöu fefu.
10. Ba ero fitu bongi, ba luu wolombase khö Lowalangi Yehowa; böi babaya hadia ia halöwö ba da'ö, he ya'ugö, ba he onou matua, ba he onou alawe, ba he sangai halöwö khöu ira matua ba he sangai halöwö khöu ira alawe, ba he uriföu, ba he si fatewu khöu ba mbanuami bakha.
11. Önö ngaluo sa mege khö Yehowa, ba wamazökhi banua si yaw~a, awö danö, awö nasi, awö nösira fefu; ba ba luu si fitu, ba no molombase ia. Andrö wa no ifahawu'ö luu si fitu andrö Yehowa, ba no i'amoni'ö.
12. Fosumange namau, awö ninau, ena'ö anau nosou ba danö, nibe'e Lowalangi Yehowa khöu.
13. Böi ange'e.
14. Böi ohorö.
15. Böi anagö.
16. Böi böböögö khö nawöu zi lö duhu.
17. Böi isö nomo nawöu. Böi isö wo'omo nawöu ba he sangai halöw~ö khönia ira matua, ba he sangai halöwö khönia ira alawe, ba he öróbaonia, ba he kudonia, ba he hadia ia, fefu, nibayabaya nawöu.

Simanö daroma Li Lowalangi, da tatema'ö faoma sinunö: BZ.Numero 114: 1

114. NO MAOSO YESU SO'AYA¹

do = f 4/4

MM = 96 - 104

1. No maoso Yesu So'aya, lewatö no Iröi.
Umbu wa'auri sa Ia, ba sangorifi göi ba sangorifi göi

5. FANGANDRÖ FANGEFA HORÖ

¹ Note : Nikolaus Herman 1554

- SA** : Ya'ami ira talifusö'
Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He So'aya ya'aga Yesu Keriso si mate ba röfa ba hili Gologata, ba si no maoso bangai zi mate. Faduhu dödöma ba daroma Li-Mö me Öwa'ö: “ Ya'odo wemaoso ba fa'auri, samati khö-Gu, ba auri, hewa'ae mate ia.” Ba hiza, ba lala wa'aurima seroma'ökhö asese ma'ositengagö ba ma'osilö'ögö Ndra'ugö So'aya, me ma'o'önifakhoi dödöma samösa. Bologö dödö-U khöma, ba be'e aefa khöma horöma andrö. Hakhösi dödö-U khöma So'aya, böi tehe tekiko, törötörö tödö-U wa'ebua dödö-U Awö wa'ahakhö dödö-U khöma. Böi bulö'ö ndra'aga moroi ba wa'omasi ba ba Wangorifi andrö si no Öhönagö ba zamati khö-U.....

- SATO** : Mangandrö ba dödö zamösa föna Lowalangi.....1 irugi 2 meniti.
SA : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.
SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

- SA** : **Turia Wangefa horö** : “ Imane taroma Li Lowalangi : Ba no erege dödö-Gu öbe'e ba horöu andrö; no öfakao-Do olalöwamö. Ya'o, Ya'odo andre zamunu lalöu andrö, börö ndra'o, ba lö'ö sa'ae itörö tödö-Gu horöu. LAKHÖMI KHÖ LOWALANGI SI YAWA.....

- SATO** : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa'a tulö ba gulidanö ba niha ni'omasi 'ö andrö

(mudadao zato)

7. FOMBASO TAROMA LI LOWALANGI NIBASO FÖNA HUHUAO (AB)

- SA** : Fombaso taroma li Lowalangi föna huhuo tehalö moroi ba zura **II Tesalonika 3:1-12**

1. Ba hadia na mbö'önia, ya'ami ira talifusö, ba mi'angandrö, salahima ena'ö alio terongo misa daroma li Zo'aya andrö, ba ena'ö tefolakhömi, si mane ba khömi,
2. ba ena'ö te'efa'ö ndra'aga ba niha andrö, si lö tödö, ba si lö sökhi; lö'ö sa dozi mamati.
3. Ba lö'ö sa faröi Zo'aya, ba ya'ia zangabe'e ya'ami, ba irorogö ami, itimba khömi zi lö sökhi andrö.
4. Ba madöndadöna khömi, ba khö Zo'aya, mi'o'ö niwa'öma khömi, he iada'e, ba he dania.
5. Ba ya So'aya zamatörö tödömi ba wa'omasi Lowalangi andrö, ba ba wanaha tödö andrö, khö Keriso.
6. Ba mawa'ö khömi, ya'ami ira talifusö, ba döi Zo'aya ya'ita andrö, Yesu Keriso, mifabali ami ba dalifusö si lö sökhi buabua, gofu ha niha ia, si lö manörö lala nirongora khöma.
7. Noa sa mi'ila he wisa wolo'ö khöma; lö'ö sa nitöröma si lö göna, ba khömi andrö;
8. ba lö'ö göi nihalöma balazo, si lö nibe'ema böli, noa sa erege dödöma, ba no akao ndra'aga, wohalöwö, bongi ma'ökhö, fa böi abu dödömi khöma, ha niha ami.

9. Tenga fa lõ tola mena'õ, ba ena'õ mabe'e famaedo ndra'aga khõmi, ena'õ mi'o'õ khõma.
10. Da'õ sa göi niwa'õma khõmi, me soga khõmi; si lõ edõna mohalõwõ, ba bõi yamanga göi.
11. Noa sa marongo, so õsa ba khõmi zi lõ sõkhi buabua, ma'ifu lõ mohalõwõ, molau fayafaya.
12. Ba da'õ niwa'õma ba zi manõ, ba mafarou dõdõra, ba khõ Zo'aya, Yesu Keriso: ena'õ lahonogõ ira ba halõwõra, ba ena'õ la'a gölõra, balazora.

Ya'ahowu zamondrongo taroma Li Lowalangi ba Same badõdõ...

- 8. SA+SATO** : Yaduhu
FASÖMBATA
SA : Iada'e tebe'e khõda ginõtõ ba wolohe fasömbata si sambua ni'ofulu khõ Lowalangi, Nidõnia'õ Pendeta Pengkhotbah.

SA : Iada'e tebe'e khõda ginõtõ ba wolohe fasömbata khõ Lowalangi. Ta'osamuzaigõ wame'e, he fasömbata si föfõna, ba simanõ göi zi mendrua awõ zi medõlu. Ba si föfõna ua da tafondrongo Li Lowalangi me imane:

- ❖ Ba da'õ niwa'õ-Gu: Na so zangatalisi tanömõ, ba lõ oya'oya ibasi, ba na so zi lõ alimagõ tanömõ, ba oya göi ibasi dania. Ba balazi dõdõ zamõsana; bõi abu dõdõ, ba tenga ni forege; si no aoha gölõ fame'e, da'õ sa zomasi Lowalangi. (II Korindro 9:6-7)

Tafa'ema wasömbata khõ Lowalangi, manunõ ita moroi ba Mbuku Zinunõ
Numero 18

18. HE TÖDÖGU ANUNÖ 1

do = g 6/4

MM = 104 - 108

1. He tödõgu, anunõ, suno Lowalangi, Ama.
 Bõi olifu ndra' ugõ, mbuala nibe ' e Nia.
 Me no aefa ndra ' ugõ, sawuyu horömõ.
 Ba no göi Ikaoni ' õ fa ' ebua dõdõ,
 sifao fondrara dõdõ ba fangorifi göi.
 Fefu dana khõ-Nia, lõ irai Ibõhöi.
2. No Ifa' ema khõda, daroma li fangorifi.
 Si möi fangefa horõ, bõrõ Yesu, Sangõhöli.
 Sebua tödõ Ia, ba solakhõmi göi.
 Ibè wa' anau gölõ, ena' õ lõ farõi,
 Ba fefu golalõwa, no oi te' asiwai.
 Bõrõ Keriso, Yesu, same' e fa' auri.
3. No amaedola nama, sondrorogõ ononia.
 Tõra wolau Zo' aya, ba zi numana tödõ sa.
 He'wa' ae side' ide, ba si lõ moguna.
 No amaedola mbunga, sagalio taya.
 Manõ wa' auri niha lõ mo' ahonoa.
 Lõ sa farõi Zo' aya ba dana khõ-Nia.

SA :

Na no awai la'owuloi/lafa'ema wasömbata, ba owulo tanõ furi zangowuloi Fasömbata, lafendrongagõ wolohe föna fasömbata, ba la'o'õ gofanõwa note zinunõ (irama lagu).Fatua lõ möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
 Manunõ ita moroi ba Mbuku Zinunõ numero 261

do = d 4/4

MM = 62 – 68

Ira'alawe

1. Ya 'e zumange fa-sömbata, ma 'ohe sumange Yehowa.

Iramatua

Reff : Ma'andrö khö-U fa-ho-wu'ö zu-mange ni 'o- hema khö-Mö

2. Ya'e zumange fasömbata mabe'e soroi ba dödöma.

Reff : Ma'andrö khö-U

3. Ya'e zumange fasömbata buala si'otarai Nama.

Reff : Ma'andrö khö-U

4. Ya'e zumange fasömbata, boto, noso, ba fa'aurima

Reff : Ma'andrö khö-U

5. Ya'e zumange fasömbata, lö irugi zomasi dödö-U.

Reff : Ma'andrö khö-U

6. Ya'e zumange fasömbata, ma'aohasi gölö Zo'aya.

Reff : Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*) **Mudadao Zato**

9. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:

Koor ba Vokal Group

- a. Koor Jemaat
- b. Kegiatan Komisi Perempuan
- c. Kegiatan Sektor 3
- d.

10. MANUNÖ

SA : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrondrongo li Mö Yesu

Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U.

Ubokai dödögu khö-U Yesu nahia daroma li-U.

Taroma li-Mö lö fa'atebulö menewi ma'ökhö ba si'ogötö'ö lö sa mamalö.

Taroma li-Mö si möi fangabölö utema'ö soroi ba dödö, tolo ba wolo 'ö.

11. HUHUAO SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- a. Fombaso taroma Li Lowalangi **II Moze / Keluaran 15:1-14** (*Tuho:Manunödo khö Yehowa / Aku Menyanyi bagi Tuhan*)

- b. Fanuriaigö

- c. Nitano ba dödö. **II Moze / Keluaran 15:2a** (*Fa'abölögu Yehowa ba fanunögu, me no sangorifi ya'odo Ia. / Tuhan itu kekuatanku dan mazmurku, Ia telah menjadi keselamatanku.*)

- d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU³

do = es 4/4

MM = 96 - 104

- No mafondrongo li-U, Lowalangi So ' aya.
Tanö ba dödöma ia, fa böi olifuga.
Fahowu 'ö ia khöma, ena ' ö ohahau dödöma fefu.
Heta ba dödö zi lö sökhi, ma'o ' ö niwa 'ö-U.

12. TUHO WAMATI

SA : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 307 Ayati 1-2**

307. FONDREGE ZOMASIDO 1

do = g 4/4

MM = 88 - 96

- Fondrege zomasido, Keriso So ' aya.
Khö-Nia so wanolo, si otarai Nama.
Lö fozu wa ' aurigu, ba lö lua-lua.
Na lö mo' urakhado, fa ' auri Zo' aya.
- Börö Keriso Yesu, si möi salahigu.
Wa usöndra wangefa, ba huku horögu.
Fefu niwa' ö-Nia, ufati me duhu.
Wa tebai möi khö Nama, zi lö mendrua tumbu.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGE + HOWUHOWU** :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita

7

- ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
- ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **307 ayati 3**
307. FONDREGE ZOMASIDO 1

do = g 4/4

MM = 88 - 96

3. Ba fa' omuso dödö, khö Yesu a' oi so.
He bongi, he ma' ökhö, Ya' ia nawö fao.
Si lö fabali Ia, sanolo, samasao.
Ululu wa' aurigu, ba danga Keriso.

SH : YA'AHOWU

SATO : YA'AHOWU